



UKA 2015/149
20.oktober 2015
Peter Olsen

Uunga siunnersuut: Inuussutissarsiummik ingerlataqarneq pillugu Inatsisartut inatsisaat nr. xx, xx.xx 2015-imeersoq.

(Inuussutissarsiornermut, Suliffeqarnermut Niuernermet Nunanullu Allanut Naalakkersuisoq)

Naalakkersuisut inuussutissarsiummik ingerlataqarneq pillugu inatsimmut siunnersuut manna saqqummiuteqqimmassuk Inuit Ataqatigiinniit tupaallaatigaarput. Kingullermik 2012-mi inatsimmut siunnersuut saqqummiunneqarmat oqallinneq annertoq toqqaserlunnerlu pipput, taamanikkullu immikkoortoq taanna qaquguugaluarnersumut kinguartinneqarpoq.

Inuit Ataqatigiinniit 2012-misuulli inatsisissamat siunnersuummut tunngatillugu isumakuluuteqarpugut. Inuussutissarsiuutinik ingerlataqarnermut inatsisip pisiniarfinnut minitsisumik allanulli tamanut atuuttumik atorunnaarsinneqarnissaa nuannarinngilarput. Aamma aalajangersimasumik niuerfeqarnissamik piumasaaqatip peerneqarnissaa nuannarinngilarput. Tusarniaanerni nutaani pisoqqanilu atuarneqarsinnaasutuulli inatsisissap kingunerisassai isumakuluutigaagut.

Inuit Ataqatigiinniit inuussutissarsiummik ingerlataqartunut inatsisip nutarterneqarnissamik pisariaqartitsineranik akerliunngilagut. Kisiannili allannguutissanut Naalakkersuisut tunngavilersuutaat naammangillat kingunissaalu iluamik paasissutissiissutigineqangillat.

Inuit Ataqatigiinniit siunnersuutip Inuussutissarsiornermut Ataatsimiititaliamut ingerlanissaa inassutigaarput. Inuussutissarsiornermullu Ataatsimiititaliaq allannguutissatut siunnersuutit pillugit Naalakkersuisunik inuussutissarsiuutinillu ingerlataqartunik sukumiisumik oqaloqateqaqqullugu kaammattussavarput. Sumiiffikkaartumik inuussutissarsiuutinik ingerlataqartunut naatsorsuutaanngitsumik sunniuteqarnerlussinnaanera pinngitsoorniarlugu inuussutissarsiummik ingerlataqartunut inatsisissap nutaap amerlasuunit tapersersuisoqarnissaa pingaaruteqarpoq.